



*Rabu, 19 Oktober 2022*

**Ogen: Matius 10:34-39**



**KEBENEN KESAH NDATAKEN KEGELUHEN**



Kesah seh kal perluna, sabab adi lanai erkesah enggo me mate. Megati lit si belasken, asakai ergana kesah siibereken Dibata e man kalak si sangana sesak dengen merluken oksigen guna nampati ia nggeluh. Asakai erga sada tabung oksigen? Luar biasa pemere Dibata man banta si la nggalat oksigen guna kita nggeluh segedang umur geluhta.

Renungenta wari enda mbages kal pengertinna dengen metenget cara ngantusisa. Jesus mereken sada pernyataan si ngajak kita nandai diri ras kuga carana ngikutken IA. IA igelari raja dame tapi ikatakenNa labo Ia maba dame, sabab banci jadi perpisahen ras perpecahen si jadi sabab kalak sitek pasti sirang ras rimbang ras kalak perdosa. Iperhadapkan kubah pilihan, adi ibas jabu sie lit tentuna mpeturah perpisahen ibas jabu sabab berita simehuli ndatken perlawananen ibas kalak si la erngena ate.

Alu bage ngikutken Jesus arus erkeleng ate man baNa ndauh belinen asangkan keleng ate nandangi kerina keluarga ras kai pe si lit idoni enda. Emaka ipastikenNa adi sipertahanken kesahta pasti ia kebenen janah sebalikna kalak si kebenen kesahna erkiteken Kristus pasti ndatken kegeluhen. Ibas erti, la sipertahanken kegeluhen ras kerina si banci erbahanca senang kita, guna mpesenangken ukur Dibata.

Kuga nge kita ibas ngikutken Jesus e. Pengikut Kristus si sejati, la mpertahanken doni ras kesenangenna tapi rukur ras ndarami kai singena ate Dibata. Enda me kegeluhen si ngena ate Dibata. Dibata jine si mereken ras ngkuhisa ibas diri kalak sitek. Ndalanken si mehuli erkiteken enggo sialoken kegeluhen amin turah perpisahen ras sekelewetta erkiteken kita beda pilihan.